



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
5-300

Xuv Tsib – Tsab Cai Hais Txog Kev Coj thiab Kev Siv Dag Zog

Kev Siv Dag Zog

**5-309 Txoj Hauv Kev Xaiv Tswj- Cov Riam Phom Hluav Taws Xob
(Conducted Energy Weapons, CEWs)**

(xx/xx/23)

Kev hloov kho cov cai ua ntej: (08/17/07) (10/01/10) (07/16/12) (10/07/13) (09/08/20)
(12/22/20) (04/04/21) (01/01/23)

I. Lub Hom Phiaj

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau CEWs.

II. Cov Ntsiab Lus Txhais

Kev Qib Siv: Kev qhib siv CEW txhais tau tias yog kev nyem lub pob qhib-kaw hluav taws xob hauv lub kauj qib, los sis nyem tus qib phom tom qab tua cov koob phom hluav taws xob, txhawm rau tsim hluav taws xob los ntawm kev sib sau ua ke ntawm cov txim hluav taws xob los sis kev tso ncig sij hawm. Kev qhib siv rau tus neeg phem txhais tau tias yog kev nyem lub pob qhib-kaw hluav taws xob hauv lub kauj qib nyob rau hauv cov kev siv kev twb/chwv tua kom txhav los sis kev tsom tua kom txhav los sis kev nyem lub pob qhib-kaw hluav taws xob los sis tus qib tom qab tua cov koob phom hluav taws xob mus rau tus neeg phem.

Siv: Thaum CEW raug siv rau cov kev siv twb/chwv tua kom txhav los sis tsom tua kom txhav (cuam tshuam rau kev muab CEW koj mus chwv rau tus neeg phem).

Tsom Tua Kom Txhav: Thaum CEW raug muab twb nias mus rau ntawm tus neeg phem lub cev thiab qhib lub pob qhib-kaw hluav taws xob hauv lub kauj qib los sis nyem tus qib yam uas tsis muaj kev siv lub pob kauv xov.

Tus Qauv Kev Tua Koob: Thaum lub CEW raug siv los tua cov koob (los kuj tau hu ua cov hmuov) rau tus neeg rau lub hom phiaj kev ua kom txhob nti taus.

Kev Taw Les Xawj: Kev thau lub CEW tawm hauv hnab thiab muab taw mus rau tus neeg thiab qhib sib siv lub cuab yeej les xawj. Nyob rau qee xwm txheej, tej zaum qhov no yuav muaj kev siv tau uas muaj kev ua raws cai ntxiv yam uas tsis muaj kev tua CEW tiag - tiag. Los kuj tau hu ua "tee xim liab".

Twb/Chwv Tua Kom Txhav: Kev siv tus qauv kev ua kom tsis nco qab uas yog twb/chwv yog thaum lub CEW cov seem hluav taws xob chwv rau tus neeg phem lub cev thiab nyem tus qib los sis lub pob qhib kaw-hluav taws xob hauv lub kauj qib yam uas tsis muaj lub pob kauv xov,

los sis cov koob uas tau tua. Kev muab lub CEW chwv rau tus neeg phem uas qhib hluav taws xob uas tsim ua rau mob tab sis yuav tsis tsim ua rau muaj feem cuam tshuam tsis zoo.

Ceeb Toom Txog Lub Pob Qhib-Kaw Hluav Taws Xob Hauv Lub Kauj Qib: Muab lub CEW thau tawm hauv hnab thiab qhib siv lub pob qhib-kaw hluav taws xob hauv lub kauj qib rau lub hom phiaj kev tso hem thawj tias yuav siv ua ntej tua tiag los sis kev tsom tuav kom txhav los sis twb/chwv tua kom txhav. Kev ceeb toom txog lub pob qhib-kaw yog muaj lub hom phiaj siv ua lub tswv yim txo kev rau siab txhawm rau kom muaj kev ua raws cai ntxiv yam uas tsis muaj kev tua lub cuab yeej mus rau tus neeg phem.

Cov lus uas muaj ntsiab lus nyob rau hauv P&P 5-304:

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

III. Txoj Cai

A. Txoj Cai thiab Cov Kev Cai Kev Taw Qhia

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

B. CEW Ua Kev Siv Dag Zog Uas Muaj Kev Phom Sij Txog Txoj Sia Tsawg

MPD pom zoo tias Cov Riam Phom Hluav Taws Xob (Conducted Energy Weapons, CEWs) (P&P 3-200) yog yam khoom uas siv rau kev tawm dag zog uas muaj phom sij txog txoj sia tsawg tab sis nyob rau qee xwm txheej tuaj yeem muaj kev phom sij txog rau txoj sia.

C. CEWs Uas Lub Tuam Tsev Hauj Lwm Tau Tawm

Tsuas yog MPD cov tub ceev xwm xwb thiaj li tau txais kev tso cai nqa CEWs uas lub tuam tsev hauj lwm tau tawm. CEWs uas yog khoom ntiag tug, los sis cov uas tau tawm los ntawm lwm lub chaw sawv cev, yog yuav tsis tau txais kev tso cai nqa los sis siv thaum uas MPD tus tub ceev xwm tab tom ua kev nqis tes raws li lawv lub luag hauj lwm MPD uas raug raws cai.

D. Yuav Tsum Muaj Kev Cob Qhia thiab Ntawv Pov Thawj

Tej zaum MPD cov neeg ua hauj lwm tsuas tawm tau, nqa tau thiab siv tau CEWs thaum lawv ua tiav qhov kev qhov kev cob qhia ib xyooos ib zaug uas muaj kev pom zoo hais txog

CEWs xwb, uas suav nrog kev koom nrog kev sim, thiab muaj kev lees txais nyob rau tam sim no.

E. Kev Ua Raug Raws Li Txoj Cai thiab Kev Cob Qhia

Cov tub ceev xwm tsuas siv CEWs nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300).

F. Cov Yam Ntxwv Rau Kev Siv

1. Tus neeg phem tsis khiav tawm

Cov tub ceev xwm tsuas siv CEWs rau cov neeg phem uas **tsis** khiav tawm thaum:

- a. Muaj lub laj thawj uas muaj feem mus tau rau kev ntes los sis muaj kev ua xyem xyav yam uas muaj zoo laj thawj rau kev muab ceev cia.

thiab

- b. Qhov kev siv dag zog uas hais los ntawd muaj kev tsim nyog los pov thaiv tus tub ceev xwm, tus neeg phem, los sis lwm cov neeg kom txhob raug qhov kev ua phem fab lub cev ntaj ntsug uas yuav tshwm sim.

2. Tus neeg phem khiav tawm

- a. Cov tub ceev xwm tsuas siv CEWs rau cov neeg phem uas khiav tawm thaum:

- i. Tus tub ceev xwm muaj lub laj thawj uas mus tau uas ntseeg tias tus neeg phem tau ua ib yam ntawm cov kev txhaum txuas mus no:

- Kev ua phem rau fab kev sib daj sib deev uas cuam tshuam rau qhov kev siv los sis tau tso hem thawj tias yuav siv riam phom uas muaj kev phom sij.
- Kev tua neeg.
- Kev ua phem nyob rau qib 1 thiab qib 2.
- Kev tub sab tub nyiag uas loj tshaj qub.
- Kev nyiag tib neeg.
- Cov riam phom- kev tua phom, kev taw phom uas txhaum cai uas yuam Tsab Cai MN tshooj 609.66 Cov Riam Phom Uas Muaj Kev Phom Sij.

los sis

- ii. Qhov kev siv dag zog uas hais los ntawd muaj kev tsim nyog los pov thaiv tus tub ceev xwm, tus neeg phem, los sis lwm cov neeg kom txhob raug qhov kev ua phem fab lub cev ntaj ntsug uas yuav tshwm sim.

b. Kev khiav tawm yuav tsis yog ib lub laj thawj rau kev siv CEW rau tib neeg.

3. Cov feem xyuam ntawm tus neeg phem

Cov tub ceev xwm yuav tsum ua zoo xav rau cov kev pheej hmoo ntxiv uas muaj feem tshwm sim ntawm kev raug mob thiab kev sib cuam tshuam fab zej tsoom rau qhov kev siv CEWs rau qee leej neeg.

a. Cov tub ceev xwm yuav **tsis** siv qhov CEW tshwj tsis yog kev siv dag zog uas muaj kev phom sij txog txoj sia thiaj yog lwm txoj hauv kev xaiv thaum uas tub ceev xwm muaj zoo laj thawj uas yuav paub tias tus neeg ntawd yog:

- Tus neeg uas muaj cov yam ntxwv mob plawv, tus neeg uas nruab cuab yeej pab txhawb nplawv los sis tus neeg uas nyob rau hauv qhov xwm txheej fab kev kho mob.
- Cev xeeb me nyuam.
- Muaj hnuv nyoog laus.
- Tus tub ntxhais hluas muaj hnuv nyoog qis dua 12 xyoos.
- Tus neeg uas pom tseeb tias tsis muaj zog, los sis tus neeg uas cev nyias los sis cev sib (xws li hauv siab nyias).

b. Cov tub ceev xwm yuav tsum tuaj yeem muab tau laj thawj sib raug ntxiv thaum qib siv qhov CEW rau:

- Tus tub ntxhais hluas uas muaj hnuv nyoog 12 xyoo los sis tshaj ntawd.
- Tus neeg uas nyob rau hauv qhov xwm txheej (P&P 7-809).

4. Cov feem xyuam fab xwm txheej

Cov tub ceev xwm yuav tsis qhib siv CEWS nyob rau hauv cov xwm txheej uas pom tseeb tias tej zaum kev qhib siv yuav tsim ua rau muaj kev raug mob loj rau lub cev tshwj tsis yog muaj kev tso cai rau qhov kev siv kev tawm dag zog uas muaj kev phom sij txog txoj sia. Cov xwm txheej uas hais los ntawd suav nrog, tab sis tsis tag rau:

- Tus neeg uas nyob rau qhov chaw siab, uas tej zaum muaj kev pheej hmoo uas yuav poob ua rau muaj kev phom sij.
- Tus neeg uas ua hauj lwm nrog tsheb los sis tshuab.
- Tus neeg uas twb raug xauv tes ceev cia lawm tshwj tsis yog muaj kev tsim nyog los pov thaiv lawv uas tsim ua rau muaj kev raug mob loj rau lawv tus kheej los sis lwm tus lub cev thiab yog tias qhov tswj uas tsawg zog siv tsis tau.
- Tus neeg uas tej zaum yuav poob rau kev phom sij uas raus dej tuag.
- Nyob rau huab cua ib puag ncig uas muaj cov pa tshuaj thiab cov yam ua kua los sis lwm yam kob tshuaj uas txais tau taws yooj yim.
- Tus neeg uas tau nphav raug MK-9 Pepper Fogger los sis lwm yam tshuaj khes mis uas tsim ua rau khaus uas zoo thooj li ntawd los sis cov khoom uas txais tau taws yooj yim, xws li roj gasoline los sis taub caw tsuag.

- Nyob rau cov xwm txheej uas zoo thoog li ntawd uas muaj pheej hmoo ntxiv uas ua rau tus neeg phem raug mob loj los sis tuag.

G. Kev Siv CEW

1. Cov Kev Ceeb Toom

Tshwj tsis yog hais tias ua tsis tau li ntawd, cov tub ceev xwm yuav muab kev ceeb toom ntawm ncauj los sis kev tshaj tawm txog lawv qhov kev txhob txwm tua CEW ua ntej tuag tiag - tiag. Tej zaum kev siv CEWs lub cuab yeej taw les xawj (tee xim liab) los sis cov txim hluav taws xob ntawm CEW yuav muaj kev siv tau zoo nyob rau hauv kev cais qhov xwm txheej ua ntej tua CEW tiag - tiag.

2. Cov Ncig Sij Hawm

Thaum qhib siv CEW rau ib tus neeg phem, tus neeg ua hauj lwm tsim nyog qhib nws rau ib ncig sij hawm raws li tus qauv cai (ncig sij hawm raws li tus qauv cai yog tsib xis nkoos) thiab tag ntawd ces tsum txhawm rau ntsuam xyuas qhov xwm txheej txiav txim seb puas muaj kev tsim nyog siv cov ncig sij hawm mus ntxiv lawm.

- Nyob rau kev txiav txim seb tej qhov kev siv txhab ntxiv puas muaj zoo laj thawj uas ncaj ncees, cov tub ceev xwm yuav ua zoo saib seb tus neeg ntawd puas yuav ua tau raws li hais thiab tau txais lub hwv tsam uas muaj zoo laj thawj los ua raws li hais ua ntej siv lwm ncig sij hawm.
- Yog tias kev siv lwm ncig sij hawm ntxiv muaj kev tsim nyog, ces cov tub ceev xwm tsim nyog txwv qhov ntau thiab ncuaj sij hawm kom tshuav tsawg tshaj plaws raws li muaj kev tsim nyog los tswj los sis khoo tus neeg phem raws li cov xwm txheej uas muaj.
- Cov tub ceev xwm yuav rov ntsuam xyuas dua qhov kev tsim nyog yam tsis tu ncuaj rau cov kev qhib siv ntxiv tom qab txhua tej ncig sij hawm CEW thiab tsim nyog ua zoo saib rau qhov tias kev nphav raug cov kev siv CEW ntau zaus uas ntev tshaj li 15 feeb tej zaum yuav tsim ua rau muaj kev pheej hmoo raug mob loj los sis tuag taus.
- Cov tub ceev xwm yuav tsis siv ntau tshaj li peb ncig sij hawm los sis xam tag nrho ntev tshaj li 15 feeb ntawm kev siv lub CEW rau tus tib neeg ncuaj sij hawm ib qhov xwm txheej tshwj tsis yog: muaj kev tso cai rau kev siv dag zog uas muaj kev phom sij txog txoj sia, thiab tsis muaj lwm txoj hauv kev xaiv uas tsis yog kev siv dag zog uas muaj kev phom sij txog txoj sia uas yuav mus tau.
- Cov tub ceev xwm tsim nyog paub tias kev tsis muaj kev hloov pauv tus neeg phem tus cwj pwm feem ntau lawm yog txhais tias hluav taws xob tsis txaus los sis hluav taws xob tuaj tsis xwm yeem. Yog tias muaj kev tsim nyog uas siv lwm ncig sij hawm ntxiv raws li qhov qauv cai saum toj, ces cov tub ceev xwm tsim nyog tua lwm txoj xov ntxiv tam sim ntawd los sis hloov mus siv lwm cov hauv kev xaiv tswj dhau ntawm kev qhib siv cov ncig sij hawm uas siv tsis tau zoo txuas mus ntxiv.

3. Ib tug tub ceev xwm nyob rau ib zaug

Ib tug tub ceev xwm tsuas qhib siv tau lub CEW yam uas yog txhob txwm rau tus neeg phem ib zaug xwb.

4. Tus qauv kev tsom tua kom txhav

- a. Raws li ncuav dav lawm CEWs tsim nyog raug siv nyob rau hauv tus qauv kev tua koob. Cov tub ceev xwm tsuas siv lub CEW nyob rau hauv tus qauv kev tsom tua kom txhav ua kev pov thaiv xwb, xws li cov qauv cai kev tiv thaiv txhawm rau kom muaj kev sib cais ntxiv ncuav ntawm cov tub ceev xwm thiab tus neeg phem txhawm rau kom cov tub ceev xwm nrhiav tau lwm cov hauv kev xaiv ntawm kev siv dag zog.
- b. Cov tub ceev xwm yuav tsis siv lub CEW nyob rau hauv tus qauv kev tsom tua kom txhav raws li tev niv kev ua kom muaj kev ua raws cai ntxiv.
- c. CEWs yuav tsis raug siv yam uas yog txhob txwm nyob rau hauv tus qauv kev tsom tua kom txhav rau tus neeg phem lub tob hau, caj dab, hauv siab los sis pob tais, tshwj tsis yog qhov kev siv muaj laj thawj rau qhov kev siv dag zog uas muaj kev phom sij txog txoj sia.
- d. Thaum siv CEW nyob rau hauv tus qauv kev tsom tua kom txhav, cov tub ceev xwm yuav tos lub sij hawm uas muaj zoo laj thawj ncuav ntawm cov kev siv txhawm rau ntsuam xyuas cov kev siv tau zoo.

5. Tus qauv kev tua koob

- a. Nyob rau hauv tus qauv kev tua koob cov tub ceev xwm yuav tsom lub CEW rau ntawm lub cev yav hauv.
- b. Nyob rau hauv tus qauv kev tua koob CEWs yuav tsis raug tsom yam uas yog txhob txwm rau tus neeg phem lub tob hau, caj dab, hauv siab los sis pob tais, tshwj tsis yog qhov kev siv muaj laj thawj rau qhov kev siv dag zog uas muaj kev phom sij txog txoj sia.

6. Kev muab ntsaws rau hauv hnab

CEW yuav raug muab ntsaws rau ntawm MPD tus neeg ua hauj lwm uas tau cog lus lub ces sab uas tsis muaj zog (sab yuav tau muaj kev pab txhawb) txhawm rau zam qhov kev thau tawm los sis tua lawv cov phom yam uas tsis yog txhob txwm.

7. Cais cov kev siv dag zog

Txhua tej qhov kev siv lub CEW (nyob rau tus qauv kev tua koob los sis kev tsom tua kom txhav) los sis ncig sij hawm raws li tus qauv cai (tsib feeb) yog qhov kev siv dag zog uas sib cais uas cov tub ceev xwm yuav tsum cais raws li muaj laj thawj uas muaj kev ncaj ncees.

H. Siv Nyob Rau Ncuia Sij Hawm Ua Hauj Lwm Nyob Sab Nrauv Lub Luag Hauj Lwm

1. Cov tub ceev xwm uas siv lawv cov CEW uas MPD tau tawm ncuia sij hawm ua hauj lwm nyob sab nrauv lub luag hauj lwm uas nyob rau hauv lub Nroog yuav tau ua raws li MPD txoj cai thiab qhov txheej txheem rau kev tshaj tawm qhov kev siv dag zog thiab kev dhau lauj lawv lub cuab yeej.
2. Yog tias cov tub ceev xwm nqa lawv cov CEW uas MPD tau tawm ncuia sij hawm ua hauj lwm nyob sab nrauv lub luag hauj lwm uas nyob sab nrauv ntawm lub Nroog (xws li, kev ua hauj lwm rau lwm lub chaw yuam siv kev cai lij choj) uas lub chaw yuav tau kos npe rau hauv daim ntawv zam (Tsab Ntawv Cog Lus Rau Kev Ua Hauj Lwm Nyob Sab Nrauv Lub Luag Hauj Lwm) uas qhia tias daim ntawv pov thawj muaj kev pom zoo txaus los ntawm Minneapolis Lub Tuam Tsev Hauj Lwm Ntsig Txog Tub Ceev Xwm rau kev siv thaum ua hauj lwm rau lub chaw ntawd.

I. Kev Muab Ua Poob los sis Puas Tsuj

Kev ua CEWs poob, puas tsuj los sis siv tsis tau lawm yuav tau tshaj tawm mus rau tus neeg lis hauj lwm CEW tam sim ntawd thaum pom tias muab ua poob, puas tsuj los sis siv tsis tau lawm.

J. Kev Daus Lauj thiab Kev Tshaj Tawm

1. Cov lus qhia rau kev daus lauj CEW
 - a. Qhov CEW yuav raug daus lauj, thaum tau siv nyob rau hauv tus qauv kev tua koob, tus qauv kev twb/chwv tua kom txhav los sis tus qauv kev tsom tua kom txhav, ua ntej xaus tus tub ceev xwm kab hauj lwm.
 - b. Qhov CEW yuav raug daus lauj rau tej qhov xwm txheej uas tau sau tseg tias tus tub ceev xwm ntseeg tias tej zaum yuav muaj txiaj ntsig pov thawj.
 - c. Yog tias qhov CEW raug siv nyob rau ncuia sij hawm muaj xwm txheej tseem ceeb, ces qhov CEW yuav raug muab coj mus khaws cia los ntawm lub chaw tshawb nrhiav txhawm rau lis daim vis dis aus thiab pov thawj ntaub ntawv kev tua.
2. Cov lus qhia rau kev tshaj tawm CEW
 - a. Thaum qhov CEW raug tua nyob rau hauv los sis raug siv nyob rau hauv tus qau kev twb/chwv tua kom txhav los sis kev tsom tua kom txhav rau tus neeg phem, ces tus tub ceev xwm yuav tshaj tawm qhov kev siv raws li cov cai teeb tseg rau kev Tshaj Tawm Kev Siv Dag Zog nyob rau hauv P&P 5-302. Cov tub ceev xwm yuav sau tseg cov kev ua zoo txo kev siv dag zog nyob rau hauv Lawv Cov Ntawv Piav Qhia.
 - b. Thaum qhov CEW raug siv tso hem thawj uas yog kev nthuav tawm, tee xim liab los sis kev nyem tus pob qhib-kaw ntawm lub kauj qib, ces yuav tau tshaj tawm qhov kev siv los tso hem thawj raws li P&P 5-302.

- c. Thaum qhov CEW raug siv nyob rau ncuu sij hawm ua hauj lwm nyob sab nrauv lub luag hauj lwm uas nyob sab nrauv ntawm lub Nroog (xws li, lwm lub chaw yuam siv kev cai lij choj) ces cov tub ceev xwm yuav tau txais Minneapolis CCN los ntawm MECC thiab sau kom tiav Daim Ntawv Tshaj Tawm Tub Ceev Xwm uas muaj npe tias AOA thiab sau hais txog tus tswv hauj lwm nyob sab nrauv daim ntawv tshaj tawm xwm txheej rau hauv Cov Lus Piav Qhia. Tag ntawd cov tub ceev xwm yuav daus lauj lub cuab yeej thiab khaws cia cov ntaub ntawv raws li Minneapolis CCN.

K. Kev Kho Mob thiab Kev Pab Fab Kev Kho Mob

Dhau li ntawm kev kho mob uas raug raws li tus qauv cia tom qab siv dag zog (saib raws li P&P 5-301) lawm, kev kho mob tom qab kev nphav raug ntawm tus neeg uas tau nphav raug cov hluav taws xob los ntawm lub CEW yuav suav nrog cov txuas mus no:

1. Kev tshem tawm tus koob

- a. CEW cov koob yuav raug tshem tawm los ntawm tus neeg ua hauj lwm fab kev kho mob uas phim yog tias cov koob ntawd cob nyob rau hauv cov cheeb tsam uas thev tsis taus (ntsej muag, caj dab, pob tais los sis cheeb tsam mis).
- b. Tej zaum cov tub ceev xwm tsuas yuav tshem tawm CEW cov koob thaum muaj raug raws li cov yam ntxwv txuas mus no xwb, yog tsis li ntawd ces cov koob yuav raug tshem tawm los ntawm tus neeg ua hauj lwm fab kev kho mob uas phim:
- Tus tub ceev xwm tau ntsuam xyuas tus neeg thiab pom tias tsis muaj cov cim qhia txog cov feem cuam tshuam tsis zoo ncuu sij hawm ntev ntawm kev tau tua hluav taws xob kom txhav.
 - Tus tub ceev xwm yuav coj hnab looj tes pov thaiv thiab muaj cov cuab yeej siv rau fab kev kho mob txaus uas suav nrog cov ntaub qhwv nqaij to thiab cov ntaub so uas ntub cawv.
 - Tus tub ceev xwm thib ob yuav yog tus los tshem tawm cov koob.
 - Tus tub ceev xwm tau txais kev cob qhia nyob rau theem pib yam tsawg kawg ib xyoos ib zaug hais txog cov feem cuam tshuam fab kev kho mob ntawm kev siv phom tua hluav taws xob, cov kev tshem tawm cov koob uas muaj ciam txwv rau qhov mob, thiab kev tswj kev kis kab mob.
- c. Yog tias tab tom tshem tawm cov koob, ces cov tub ceev xwm yuav nco ntsoov muab cov koob ("cov khoom ntse hau" uas muaj kev phom sij rau yam muaj sia) tso tig mus rau hauv lub pob kauv xov uas tau siv lawm thiab muab lub hau pov thaiv kev nyab xeeb kaw rau.

2. Kuaj xyuas cov chaw siv

- a. Thaum tsim nyog, yuav muaj kev kuaj xyuas cov chaw uas koob chob los sis cov chaw uas tsom tua kom txhav rau cov tsos mob ntawm kev raug mob.

- b. Thaum tsim nyog, yuav muaj kev thajj duab cov chaw uas koob chob los sis cov chaw uas tsom tua kom txhav.
3. Kev kuaj xyuas txuas mus ntxiv

Cov neeg ua hauj lwm uas tau cog lus yuav kuaj xyuas tus yam ntxwv mob ntawm tus neeg uas nphev raug cov hluav taws xob los ntawm lub CEW tas li kom txog thaum tso lawv mus rau tus neeg ua hauj lwm fab kev kho mob los sis lwm tus neeg ua hauj lwm ntawm chaw yuam siv kev cai lij choj.

QAUW